



REPUBLIKA E SHQIPËRISË

MINISTRIA E ARSIMIT DHE SPORTIT

DREJTORIA E PËRGJITHSHME EKONOMIKE DHE SHËRBIMEVE MBËSHTETËSE
DREJTORIA E BURIMEVE NJERËZORE

Nr. 942/1 Prot.

Tiranë, më 27.03.2024

Lënda: Për zhvillimin e provimit të shtetit dhe testimin e informatizuar të mësuesit, për kandidatët e suksesshëm në provimin e shtetit, të cilët duan të punësohen në institucionet arsimore publike të arsimit parauniversitar.

QENDRËS SË SHËRBIMEVE ARSIMORE
Bulevardi "Zhan D'Ark", Nr.23, Tiranë

DREJTORISË SË PËRGJITHSHME TË ARSIMIT PARAUNIVERSITAR
Rruga "Aleksandër Moisiu", Tiranë

DREJTORISË RAJONALE TË ARSIMIT PARAUNIVERSITAR

ZYRËS VENDORE TË ARSIMIT PARAUNIVERSITAR

Në zbatim të ligjit Nr. 69/2012, datë 21.06.2012 "Për sistemin arsimor parauniversitar në Republikën e Shqipërisë", i ndryshuar, ligjit Nr. 10171, datë 22.10.2009 "Për profesionet e rregulluara në Republikën e Shqipërisë", i ndryshuar, vendimit Nr. 1013, datë 10.12.2010, të Këshillit të Ministrave, "Për krijimin e Agjencisë Kombëtare të Provimeve", të ndryshuar, vendimit Nr. 99, datë 27.02.2019, të Këshillit të Ministrave "Për krijimin, mënyrën e organizimit e të funksionimit të Drejtorisë së Përgjithshme të Arsimit Parauniversitar", të urdhrimit Nr. 365, datë 28.12.2020, të Ministrit të Arsimit dhe Sportit, "Për miratimin e Rregullores "Për funksionimin e Komisionit të Provimit të Shtetit dhe procedurat e zhvillimit të provimit të shtetit", urdhrimit Nr.100, datë 25.02.2022 të Ministrit të Arsimit dhe Sportit, "Për miratimin e rregullores për organizimin dhe zhvillimin e praktikave profesionale për profesionin e rregulluar të mësuesit", të ndryshuar, udhëzimit Nr. 10, datë 03.04.2015 "Për përmbajtjen dhe formën e licencës që fiton kandidati në përfundim të provimit të shtetit për ushtrimin e profesionit të rregulluar të mësuesit", i ndryshuar dhe udhëzimit Nr. 8, datë 13.03.2017 "Për organizimin dhe funksionimin e Qendrës së Shërbimeve Arsimore", provimi i shtetit për profesionin e rregulluar të mësuesit dhe testimi i informatizuar i mësuesve, për kandidatët e suksesshëm në provimin e shtetit, të cilët duan të punësohen në institucionet arsimore publike të arsimit

parauniversitar do të zhvillohen gjatë **muajit maj 2024**, pranë Qendrës së Shërbimeve Arsimore.

Procedura për regjistrimin dhe pranimin në provimin e shtetit në profesionin e rregulluar të mësuesit

1. Kandidati, që dëshiron të regjistrohet për pjesëmarrje në provimin e shtetit për profesionin e rregulluar të mësuesit, aplikon online duke përdorur shërbimin e ofruar në Portalin Qeveritar e-albania "Aplikim për provim shteti".
2. Zyra Vendore e Arsimit Parauniversitar (ZVAP) plotëson të dhënat e kandidatëve dhe konfirmon në sistem aplikimet për pjesëmarrjen e tyre në provimin e shtetit.
3. Drejtoria Rajonale e Arsimit Parauniversitar (DRAP) verifikon, kontrollon dhe pranon aplikimet e konfirmuara në sistem nga ZVAP. Aplikimet e kandidatëve të pranuar nga DRAP kalojnë automatikisht në sistemin e QSHA-së.
4. DPAP kryen verifikimin e aplikimeve të pranuar nga DRAP-et, në lidhje me plotësimin të kriteve ligjore, për pjesëmarrje në provimin e shtetit.
5. DPAP/DRAP/ZVAP janë përgjegjëse për verifikimin e plotësimin të kriteve ligjore dhe saktësinë e të dhënave të kandidatëve, të dërguara në sistemin e QSHA-së, brenda afateve të përcaktuara.
6. Kandidati kualifikohet për pjesëmarrje në provimin e shtetit kur:
 - a. Ka kryer me sukses praktikën profesionale;
 - b. Ka rezultuar jo i suksesshëm në sezonet e kaluara;
 - c. Nuk është paraqitur në sezonet e mëparshme;
 - d. Është në marrëdhënie pune dhe ka përfunduar ciklin e dytë të studimeve të arsimit të lartë, në fushën e mësuesisë.
7. Kandidati gjatë aplikimit online ngarkon në sistem dokumentacionin e mëposhtëm:
 - a. Diplomën e ciklit të parë të studimit;
 - b. Diplomën e ciklit të dytë të studimit;
 - c. Certifikatën e pjesëmarrjes dhe përfundimit me sukses të praktikës profesionale;
 - d. Vetëm pas pranimit nga DRAP-et, faturën e pagesës së kryer për llogari të QSHA-së, e cila duhet të kryhet brenda 72 orëve dhe të ngarkohet në sistem.

** Vetëm në rast se studimet janë përfunduar jashtë shtetit ose në institucione të arsimit të lartë të mbyllura:*

- Vërtetimin për njohjen dhe njësimin e diplomës në rast se studimet janë përfunduar jashtë shtetit;

- Dokumentacion të lëshuar nga institucioni përgjegjës për arkivat që provon lëshimin e diplomës/ diplomave, të fituara nga institucioni i arsimit të lartë të mbyllur dhe vërteton vlefshmërinë e tyre.

8. Afatet kohore sipas procedurave

- | | |
|--|-----------------|
| ➤ Aplikimi online për regjistrim në provimin e shtetit | 1-7 prill 2024 |
| ➤ Shqyrtimi i aplikimeve nga ZVAP | 1-14 prill 2024 |
| ➤ Shqyrtimi i aplikimeve nga DRAP | 1-21 prill 2024 |

- Shqyrtimi i aplikimeve nga DPAP 1-21 prill 2024
- Shqyrtimi i aplikimeve nga QSHA 22 -29 prill 2024
- Publikimi i kalendarit të organizimit të sezonit 30 prill-5 maj 2024
- Fillimi i sezonit sipas kalendarit të miratuar nga QSHA

9. QSHA publikon në faqen e saj zyrtare, www.qsha.gov.al, kalendarin e organizimit të sezonit dhe oraret e pjesëmarrjes në provim për çdo kandidat.

Procedura për zhvillimin e testimit të informatizuar për kandidatët e suksesshëm në provimin e shtetit, të cilët duan të punësohen në institucionet arsimore publike të arsimit parauniversitar

1. Kandidatët të cilët rezultojnë të suksesshëm në provimin e shtetit, menjëherë pas përfundimit të provimit, kanë të drejtë t'i nënshtrohen direkt testimit të informatizuar të mësuesit, për t'u punësuar në institucionet arsimore publike të arsimit parauniversitar.

Programet orientuese të provimit të shtetit në profesionin e rregulluar të mësuesit dhe fondet e pyetjeve sipas profileve, gjenden të publikuara në faqen zyrtare të QSHA-së www.qsha.gov.al.

Programet orientuese të testimit të informatizuar të mësuesit, për kandidatët të cilët duan të punësohen në institucionet arsimore publike të arsimit parauniversitar, gjenden të publikuar në faqen zyrtare të Agjencisë së Sigurimit të Cilësisë së Arsimit Parauniversitar www.ascap.edu.al, ndërsa fondet e pyetjeve për këtë testim gjenden të publikuara në faqen zyrtare të QSHA-së www.qsha.gov.al.

Rezultatet e provimit të shtetit dhe të testimit të informatizuar të mësuesit, për kandidatët të cilët duan të punësohen në institucionet arsimore publike të arsimit parauniversitar, do të aksesohen nëpërmjet sistemit të provimit të shtetit.

QSHA dhe DPAP raportojnë në MAS, në lidhje me ecurinë e procesit dhe rezultatet e përfundimtare.

Duke Ju falënderuar për bashkëpunimin,

ZËVENDËSMINISTRI

NINA GUGA

